

世醫得效方卷第八終

世醫得效方卷第九

大方脉雜醫科

健忘

小定志圓治心氣不定。五臟不足。甚者憂憂愁愁不樂。忽忽喜忘。朝差暮劇。暮差朝發。及因事有所大驚。夢寐不祥。登高履險。致神魂不安。驚悸恐怯。

菖蒲炒 遠志去心薑汁淹各二兩 茯苓 茯神 人參各三兩 辰砂一兩爲衣

右爲末。煉蜜圓。如梧桐子大。每服五十圓。米湯下。一方去茯神。名開心散。每服二錢匕。不以時服。菖蒲益智圓治喜忘恍惚。破積聚。止痛。安神定志。聰耳明目。

菖蒲炒 遠志去心薑汁淹炒 川牛膝酒浸 桔梗炒 人參各三兩 桂心三分

茯苓一兩三分 附子一兩炮去皮臍

右爲末。煉蜜圓。梧子大。每服三十圓。食前溫酒米湯下。

加味茯苓湯治痰迷心胞健忘失事言語如癡。

人參去蘆

半夏湯洗

陳皮去白一兩

白茯苓去皮一兩

粉草五錢

益智去殼

香附子炒去毛各一兩

右剉散。每服四錢。水一盞半。生薑三片。烏梅半個同煎。不拘時溫服。

朱雀圓治心神恍惚。舉事多忘。方見心恙類

虛煩

淡竹茹湯治心虛煩悶。頭疼氣短。內熱不解。心中悶亂。及婦人產後心虛驚悸。煩悶欲絕。

麥門冬去心

小麥各二兩半

甘草炙一兩

人參

白茯苓各一兩半

半夏湯洗七次二兩

右剉散。每服四錢。水二盞。生薑七片。棗子三枚。淡竹茹一塊如指大同煎。食前服。虛勞煩悶。尤宜服之。

溫膽湯治大病後虛煩不得眠。此膽寒故也。此藥主之。又治驚悸自汗。觸事易驚。

半夏

竹茹

枳實各二兩

陳皮三兩

甘草炙一兩

茯苓一兩

人參一兩

右剉散。每服三錢。水一盞半。生薑五片。棗一枚煎。食前服。未效。加遠志去心。薑汁炒北五味子各一兩。酸棗仁二兩。蚌粉炒入。

酸棗仁湯治霍亂吐下增劇。虛勞煩擾。奔氣在胸中。不得眠。或發寒熱。頭疼暈悶。

酸棗仁炒一兩三分

人參

桂心各一分

知母

茯苓各三錢

石膏煨半兩

甘草炙二錢

右剉散。煎同上。

小草湯治虛勞憂思過度。遺精白濁。虛煩不安。

小草

黃耆去蘆

當歸去蘆酒浸

麥門冬去心

石斛去根各一兩

酸棗仁

人參

甘草炙各半兩

右剉散。每服三錢。水一盞半。生薑五片煎。不以時服。

地仙散治傷寒後。伏暑後煩熱不安。及煩熱虛勞。

地骨皮去木二兩

防風去蘆一兩

甘草炙半兩

右剉散。煎同上。

清心蓮子飲治心中蘊積。虛熱煩燥。方見瘡渴類

自汗

〔風證〕桂枝湯治傷風脉浮。自汗惡風。

桂枝不見火 芍藥各一兩 甘草炙半兩

右剉散。每服四錢。生薑五片。大棗二個煎。不拘時服。發汗汗不止者。謂之漏風。宜加炮熟附子一兩。

〔暑證〕五苓散消暑圓却暑散治傷暑自汗。方並見傷暑類

〔濕證〕朮附湯治傷濕自汗。方見傷濕類

防己黃耆湯治同上。方見四氣相感類

〔體虛〕牡蠣散治諸虛不足。及新病暴虛。津液不固。體常自汗。夜臥即甚。久而不止。羸瘠枯瘦。心忪驚惕。短氣煩倦。

牡蠣米泔浸煨取粉 麻黃根 黃耆 知母各一兩

右爲末。每服用小麥百餘粒。煎湯濃調服。一方爲散。每三錢。水三盞。薤白三寸。煎一盞半。分三服。黃耆湯治喜怒哀驚恐。房室虛勞。致陰陽偏虛。或發厥自汗。或盜汗不止。悉宜服之。

黃耆去蘆蜜水炙一兩半 白茯苓去皮 熟地黃酒蒸 肉桂不見火 天門冬去心 麻黃根
龍骨各一兩 五味子 小麥 防風去蘆 當歸去蘆酒浸 甘草炙各半兩

右剉散。每服四錢。生薑五片煎。不拘時候。發厥自汗。加熟附子。發熱自汗。加石斛。未效。或多吃麵食則安。

撫芎湯治自汗頭眩。痰逆惡心。

撫芎 白朮去油略炒 橘紅各二兩 甘草炙半兩

右剉散。每服四錢。生薑七片煎。溫服。

建中湯治表虛自汗。

官桂三分 芍藥一兩半 甘草炙半兩

右剉散。每服四錢。薑五片。棗二枚。食前服。本方加黃耆一兩。名黃耆建中湯。治虛勞自汗。加當歸

一兩。名當歸建中湯。治婦人血虛自汗。其自汗漏不止者。加桂半兩。熟附子半個。名桂枝附子湯。每服四錢。生薑七片。棗子二枚。空心煎服。

防風散治盜汗。

川芎一分 人參半分 防風二分

右爲末。每服一錢。臨臥米飲調下。

白朮散治盜汗極驗。

白朮不拘多少剉成小塊或稍大

右用浮麥一升。水一斗煮乾。如白朮尙硬。又加水一二升煮。取出切作片。焙乾。去麥不用。研爲末。別用浮麥湯。每服二三錢。不以時候。

茯苓湯治虛汗盜汗。

右用白茯苓爲末。煎烏梅陳艾湯。調下二錢。服之神妙。

大建中湯治虛熱盜汗。百節酸疼。腰痛。肢體倦怠。日漸羸弱。口苦舌澀。心怔短氣。

綿黃耆炙 遠志燈心煮去心 當歸洗 澤瀉各三兩 白芍藥 龍骨

人參各二兩 甘草炙一兩

右剉散。每服四錢。水二大盞。生薑五片煎。熱服。氣弱加炮附子二兩。腰痛筋急加去粗皮官桂一兩。

止汗溫粉

右用川芎白芷蘂本各一分。爲末。入米粉三分。綿裹撲於身上。

止汗紅粉

麻黃根 牡蠣火煨各一兩 赤石脂 龍骨各半兩

右爲末。以絹袋盛。如撲粉用之。

〔虛脫〕正元散治下虛手冷自汗。方見虛損類

三建湯治真氣不足。上盛下虛。面赤自汗。小便頻數。方見病冷類

耆附湯桂附湯治氣虛陽弱。虛汗不止。四體倦怠。方見病冷類

〔虛勞〕麥煎散治榮衛不調。夜多盜汗。四肢煩疼。飲食進退。肌瘦面黃。

秦艽 柴胡去苗各二兩 大鰲甲二兩醋煮三五沸去裙襖別用醋炙黃 乾漆炒青煙盡 人參

茯苓 乾葛 川烏炮去皮尖各一兩 玄參

右爲末。每服二錢。小麥三七粒。煎湯一盞。去麥入藥煎。食後服。如久患後亦宜服此。以退其勞倦。調理經絡。

青蒿散治虛勞盜汗骨蒸。咳嗽胸滿。皮毛乾枯。四肢懈惰。骨節疼痛。心腹驚悸。咽燥唇焦。頰赤煩躁。涕唾腥臭。困倦少力。肌體潮熱。飲食減少。日漸瘦弱。

天仙藤 鱉甲醋炙 香附子炒去毛 桔梗去蘆 柴胡去苗 秦艽

青蒿已上各一兩重 烏藥半兩 甘草炙一兩半 川芎二兩半

右剉散。每服薑三片煎。不拘時候溫服。小兒骨蒸勞熱。肌瘦減食者。每一錢。水盪半。小麥三十粒煎服。

〔陰汗〕大蒜圓治陰汗濕癢。

右用大蒜不以多少煨。剝去皮爛研。同淡豆豉末搜圓。如梧子大。朱砂爲衣。每服三十圓。棗子燈心煎湯送下。

青娥圓治同上。每服五十圓。酒服大效。方見虛損類

治陰汗濕癢方

爐甘石 一分 眞蚌粉半分

爲粉撲傅。

治陰汗不止方小安腎圓用乾薑發服湯入鹽少許吞下方見虛損類

洗方 蛇床子酒浸炒白礬陳醬煎水淋洗。

宿食

香蘇散治宿食留飲。聚積中脘。噫臭腐氣。心腹疼痛。或臟腑飧泄。每服四錢。生薑葱白烏梅煎。方見傷寒和經類

盧氏感應丸建脾進食。消化宿滯。酒食飽後宜服。方見諸積類

縮砂香附湯治心膈膨滿。噫宿腐氣。或時冷疼。方見諸氣類

穀神丸消食健脾益氣。進美飲食。

人參 縮砂 香附子炒去毛 三棱 莪朮 青皮

陳皮 神麴炒 麥芽炒 枳殼炒去穢各等分

右爲末。粳米糊圓。梧子大。每服三十圓。空腹米飲吞下。鹽湯亦可。

紅圓子磨化宿食。止腹痛。方見瘕瘕類

三棱煎圓治膨滿。消食積氣塊。及傷食夾臍痛甚。方見諸氣類

癆瘵

總說 夫骨蒸、癯瘵、復連、尸疰、癆疰、蟲疰、毒疰、熱疰、冷疰、食疰、鬼疰。皆曰傳尸者。以疰者注也。病自上注下。與前人相似。故曰疰。其變有二十二種。或三十六種。或九十九種。大略令人寒熱盜汗。夢與鬼交。遺泄白濁。髮乾而聾。或腹中有塊。或腦後兩邊有小結核。連復數個。或聚或散。沉沉默默。咳嗽痰涎。或咯膿血如肺痿肺癰狀。或復下痢。羸瘦困乏。不自勝持。積月累年。以至於死。死後乃疰易傍人。乃至滅門是也。凡疾始覺精神不爽。氣候不調。切須戒慎酒色。調節飲食。如或不然。妄信邪師。或言鬼祟。以致不起。慎之慎之。又云男女傳尸之病。心胸滿悶。背膊疼痛。兩目不明。四肢無力。雖欲寢臥。臥不得寐。脊膂急痛。膝脛痠疼。多臥少起。狀如佯病。每至平旦。精神尙好。日午向

後。四肢微熱。面無顏色。喜見人過。常懷忿怒。纔不如意。又便多嘔。行立脚弱。夜臥盜汗。夢與鬼交。或見先亡。或多驚悸。有時咳嗽。雖思飲食。不能多飡。死在須臾。精神尙好。或時微利。兩脇虛脹。口燥鼻乾。常多粘唾。有時唇赤。有時欲睡。漸成沉羸。猶若涸魚。不覺死矣。

尸蟲游食日辰及治法 大抵六蟲一旬遍游。四穴轉流。周而復始。具後六代法中。自立春一日。後食起。三日一食。五日一醉。歸於所歸穴。大醉五日。故五日蟲醉。可以下藥及灸。其三日蟲食。切不可妄有醫治。蟲在人身中。一蟲可占十二穴。六蟲在人身中。共游七十二穴。上旬十日。從心至頭游四穴。中旬從心至臍游四穴。下旬從臍至足游四穴。上旬可先服藥。後灸所游穴。其蟲頭向上。若下火灸。蟲如紫蠶苗出在汗中。更服藥取之。以蟲盡爲度。便服補藥。永得安耳。中旬其蟲所游穴中頭向內。可服藥取之。下旬蟲在所游穴中頭向下。亦服藥取之。不灸也。恐蟲覺悟。永難取。蓋此蟲性已通靈。務在精密。勿令有悟可也。

觀尸蟲色知病淺深法 凡明醫者。先須知毒氣與蟲並行。攻人臟腑。遇陽日長雄蟲。陰日生雌蟲。緣先食臟腑脂膏。故其蟲色白。次食血肉。血肉盡。故其蟲黃赤。次食精髓。故其蟲紫色。精髓盡。故其蟲黑色。傳入腎中。病人方死。須求醫士曉達病源。先取其蟲。視其色理。自知輕重。其蟲如白色。

可三十日服藥補之。其蟲如黃赤色。可六十日服藥補之。其蟲如紫黑色。此疾已極。可百二十日服藥補之。十中可保一二。雖不能爲一身除害。亦可爲子孫除害矣。服藥仍須一載之中。刻意調攝。方可痊平。如此得命。可謂再生於世。又云蟲頭赤者。食患人肉。其病可治。頭口白者。食患人髓。其病難治。只得斷後。不傳子孫矣。

六代傳病及諸蟲形狀 凡治病之道。要須藥病相應。效同神聖。仍在瀉實補虛。調治臟腑。方得痊愈。故三尸九蟲。種種靈異。莫令知之。或似蜣螂。或似紅絲馬尾。或似蝦蟆。或似刺蝟。或似鼠形。或如爛麵。或有足無頭。或有頭無足。或化精血。歸於元陽之內。種種形類。實難辨之。淺學之流。難施方劑。誤醫甚多。枉死不少。或則取蟲不補。或則淺學妄傳。皆是徒費資財。終無去病之理。遂致夭折。豈不悲哉。

第一代謂初勞病。受其病而不測病源。酒食加飡。漸覺羸瘦。治療蹉跎。乃至病重。醫人不詳其故。誤用湯藥。枉而致死。

(圖略)

此蟲在人身中如嬰兒狀。背上毛長二寸。

(圖略)

此蟲變動。形如鬼在臟腑中。

(圖略)

此蟲形如蝦蟆變動。在人臟腑中。

上三蟲在人身中。染著之後。或大或小。令人夢寐顛倒。魂魄飛揚。精神離散。飲食不減。形容漸羸。四肢酸痛。百節勞倦。增寒壯熱。背膊拘急。腦與頭痛。口苦舌乾。面無顏色。鼻流清涕。虛汗常多。行步艱難。眼睛多痛。其蟲遇丙丁日食起。醉歸心膈穴中。四穴輪轉。周而復始。大醉可醫矣。取蟲出後。補心當瘥。

第二代爲覺勞病。謂傳受此疾。已覺得病。覺病者。患乃自知。夜夢不祥。與亡人爲伴。醒後全無情思。似醉。神識不安。所嗜食味。輒成患害。或則發氣動風。所加四體不和。心胸滿悶。日漸羸瘦。骨節乾枯。或嘔酸水。或則醋心。唇焦口乾。鼻塞腦痛。背膊酸疼。虛汗常出。腰膝刺痛。如此疾狀。早須醫治。失時致傷命。

(圖略)

此蟲如亂髮。可長三寸。或似守宮。

(圖略)

此蟲形如蜈蚣。在人臟腑中。

(圖略)

此蟲形如蝦。在人臟腑中。

上三蟲在人身中。令人氣喘。唇口乾。咳嗽。增寒。心煩壅滿。毛髮焦落。氣脹吞酸。津液漸衰。次多虛竭。鼻多清水。四肢將廢。臉赤面黃。皮膚枯瘦。腰膝無力。背脊酸疼。吐血唾膿。語聲不利。鼻塞腦痛。胸膈多痰。重者心悶吐血。強倒在地。不能自知。其蟲遇庚辛日食起。歸肺膈中。四穴輪轉。周而復始。大醉可醫矣。取蟲後。補當瘥。

第三代爲傳尸癆病。傳受病人。自得知之。日漸羸瘦。頓改容顏。日日憂惶。夜夜恐懼。不遇良醫。就死不遠。

(圖略)

此蟲形如蚊蟻。在人身中。俱游臟腑。

(圖略)

此蟲形如蜣螂。在人身中。俱游臟腑。

(圖略)

此蟲形如刺蝟。在人三焦。

上三蟲在人身中。令人三焦多昏。日常思睡。嘔吐苦汁。或吐清水粘涎。腹脹虛鳴。臥後多驚。口鼻生瘡。唇黑面青。日漸消瘦。精神恍惚。魂夢飛揚。飲食不消。氣咽聲乾。汗出如油。目昏多淚。其蟲遇庚辛日食起。醉歸厥陰穴中。四穴輪轉。周而復始。大醉可醫矣。取其蟲出後。服補藥當瘥。

論第四代病。并尸蟲形狀。游食日治法。

(圖略)

此蟲形如亂絲。在人臟腑中。

(圖略)

此蟲形如猪肝。在人臟腑中。

(圖略)

此蟲形如蛇。在人臟腑中。

上三蟲在人身中。令人臟腑虛鳴。嘔逆。腸中疝癖氣塊。增寒壯熱。肚大筋生。腰背疼痛。或虛或瘦。瀉痢無時。行履困重。四肢憔悴。時氣上喘。口苦皮乾。飲食過多。要吃酸鹹之物。其蟲遇戊己日食起。醉歸脾膈穴中。四穴輪轉。周而復始。大醉可醫矣。取蟲出後。服補藥當瘥。

論第五代病。并尸蟲形狀。游食日治法。

(圖略)

此蟲形或有足無頭。或有頭無足。

(圖略)

此蟲形如鼠。在人身中。俱游臟腑。

(圖略)

此蟲形如精血變動。在人臟腑。或在陽宮。

上三蟲在人身中。令人多怒氣逆。筋骨拳攣。四肢解散。面黑面青。增寒壯熱。腰背疼痛。起坐無力。頭如斧斫。眼睛時痛。翳膜多淚。背膊刺痛。力憊身羸。手足乾枯。臥著床枕。不能起立。狀似中風。四

肢頑麻。腹內多痛。眼見黑花。忽然倒地。不省人事。夢寐不祥。覺後遍體虛汗。其蟲遇甲乙日食起。醉歸肝膈穴中。四穴輪轉。周而復始。大醉可醫矣。取蟲出後。補肝當瘥。

論第六代病。并尸蟲游食日治法。

(圖略)

此蟲形如馬尾。有兩條。一雌一雄。

(圖略)

此蟲形如蟹。在人臟腑。

(圖略)

此蟲形如爛麵。或長或短。

上三蟲在人身中。居於腎臟。透連脊骨。令人思食。是物要冷。身體羸羸。腰膝無力。髓寒骨熱。四肢枯乾。眼見火生。或眼多黑暗。耳內虛鳴。陰汗燥癢。冷汗如油。夢與鬼交。小便赤黃。醒後昏沉。臍下結硬。或奔心胸。看物如艷。心腹悶亂。骨節疼痛。其蟲遇丑亥日食起。醉歸腎膈穴。四穴輪轉。周而復始。大醉可醫矣。蟲出後。補腎填精當瘥。

取蟲防護法 先令病人家用好紙糊一密室。不留些罅隙。尋一老成人過遞。以安息香水灑了過遞人之身。又以雄黃雌黃塗其鼻孔耳眼唇上。安排鐵鉗一個。布巾一幅。用香油二斤以鍋盛頓微煎令沸。仍用高桶一個。以好石灰在桶內。生布巾蓋桶口。却服取蟲藥。五更初一服。五更三點時一服。服藥後。腹中疼痛如刀斧劈。不妨。至巳牌必須下蟲。或取下臭穢如膠漆。或吐瀉膿血瘰塊。皆於灰桶中。其蟲或從汗出紫蠶苗狀。或於耳鼻口中出。或小便中出。異般形狀。不止一也。或青或黑。或黃紅大者。急用鐵鉗取於油內煎。當日將油紙裹蟲。入瓦罌內。石灰填實。埋棄於深山遠僻處。免致再染人。患人衣服床席。並皆棄去。醫人分付藥後。亦須遠避。

〔神效取蟲〕青桑枝飲

青桑枝 柳枝 石榴皮 桃枝 梅枝各七莖並長四寸許 鬼臼五錢

青蒿一小握 赤箭五錢

右用童子小便一升半。葱白七莖。去頭葉。煎及一半。去滓。別入安息香阿魏各一分。再煎至一盞。去滓。調辰砂末半錢。檳榔末一分。麝香一字。分作二服調下。五更初一服。五更三點時一服。至巳時必取下蟲。紅者可救。青黑不治。見有所下。須進軟粥飯。溫煖將息。不可用性。及食生冷毒物。合

時須擇良日。不得令猫犬孝服穢惡婦人等見。一方不用鬼臼赤箭。

雄黃圓

雄黃半兩 兔糞二兩 天靈蓋一兩酥炙黃 鰲甲 木香各半兩 輕粉

右爲末。法酒一升。大黃半兩。熬膏圓。如彈子大。朱砂爲衣。凡此疾先燒安息香烟吸之。不嗽非傳尸也。不可用此藥。若烟入口咳不止。乃尸也。宜用此藥。五更初服。勿令人知。用童子小便同酒一盞。化一圓服之。如人行二十里正。吐出蟲或如燈心。或如爛瓜李。或如蝦蟆。未效再服。以應爲度。蟲用紅火燒之。又用油煎。

神授散治諸傳尸勞氣殺蟲。

川椒二斤擇去子并合口者炒出汗

右爲末。每服二錢。空心米湯調下。須臾暈悶少頃。如不能禁。卽以酒糊圓。如梧子大。空心服三五十圓。昔人常與病勞婦人交。婦人死。遂得疾。遇一異人云。勞氣已入臟。遂令急服二斤。其病當去。如其言服之。幾盡。大便出一蟲。狀如蛇。遂安。續有人服之。獲安濟者多矣。

〔虛證〕凝神飲子治勞瘵增寒發熱。口乾咽燥。自汗煩鬱。咳嗽聲重。唾中血絲。瘦劇倦乏。

人參去蘆

當歸去尾

白芍藥

白茯神去木

白茯苓

黃耆去蘆

白朮

半夏麩

五味子

熟地黃洗酒

甘草

蓮肉去心

大麥門冬去心

桔梗各等分

右剉散。每服四錢。水一盞半。烏梅紅棗各一個煎服。如嗽加阿膠。虛極胸滿者。加木香濕紙裹煨。沉香亦可。不思食加扁豆。

劫勞散治心腎俱虛勞嗽。時復三四聲。遇夜發熱。熱過卽有盜汗。四肢倦怠。體瘦。恍惚異夢。嗽中有血。名曰肺痿。

白芍藥五兩

黃耆

甘草

人參

白茯苓

熟地黃洗酒

當歸去尾

五味子

半夏麩

阿膠蚌粉炒各二兩

右剉散。每服三錢。水一盞半。生薑三片。紅棗二枚煎。與凝神飲相類。

黃耆飲子治諸虛勞氣。四肢倦怠。骨節酸疼。潮熱乏力。自汗怔忡。日漸黃瘦。胸膈痞塞。不思飲食。咳嗽痰多。甚則唾血。

黃耆蜜炙一兩半

當歸去蘆

紫苑洗去土

石斛去根

地骨皮

人參

桑白皮去赤

附子炮去皮臍

鹿茸酒蒸

款冬花各一兩

半夏湯泡七次

甘草炙各半兩

右剉散。每服三錢。生薑七片。棗子一枚煎。不拘時服。此藥溫補榮衛。枯燥者不宜進此。唾血不止者加阿膠蒲黃各半兩。

十全大補湯治虛勞發熱。加北柴胡地骨皮煎。方見虛損類
養榮湯黃耆益損湯治同上。方見虛損類

〔熱證〕生犀散

枳殼半夏湯治嗽甚咽痛失音。方見痰飲類

溫金散治積勞咳嗽喘悶。咯痰中有血。

甘草

黃芩

桑白皮

防風去叉各一兩

茯神半兩

麥門冬去心

杏仁去皮尖米泔浸一宿取出搗乾略炒一兩

右剉散。每服三錢。水一盞。入黃蠟一片如指頭大同煎。食後熱服。

驚甲地黃湯治熱勞手足煩。心怔忡。婦人血室有乾血。身體羸瘠。飲食不爲肌肉。

柴胡去蘆

當歸去蘆

麥門冬去心

驚甲醋炙

石斛去根

白朮

熟地黃酒浸 茯苓去皮 秦艽去蘆各一兩 人參 肉桂不見火 甘草炙各兩
右剉散。每服四錢。水一盞半。生薑五片。烏梅少許煎。不拘時服。此藥專治熱勞。其性差寒。脾胃快者方可服餌。虛甚而多汗者。不宜服。

阿膠圓治勞嗽并嗽血唾血。

阿膠蛤粉炒 生地黃洗 卷柏葉 山藥剉炒 大薊根 五味子

雞蘇各一兩 柏子仁炒別研 人參 防風去蘆 麥門冬去心各半兩

右爲末。煉蜜圓。如彈子大。每服一圓。細嚼。濃煎小麥湯或麥門冬湯嚥下。

地仙散治骨蒸肌熱。一切虛勞煩躁。生津液。

地骨皮二兩 防風去蘆一兩 甘草半兩 麥門冬去心一兩

右剉散。每服三錢。水一盞。生薑五片煎。不拘時候。

黃連飲治骨節間熱積。漸黃瘦。

黃連剉一兩

右用童子小便一大升。浸經宿。微煮三四沸。去滓。食上分二服。如人行五里再服。

四美圓凡骨蒸莫非是勞。脊骨尤屬腎虛髓竭也。以局方

黃耆鱉甲散

沉香鱉甲散

秦艽鱉甲散

青蒿鱉甲散

四散和合爲末。以雄羊脊骨一具。斫碎煉汁。調和爲圓。溫酒吞下。治脊痛骨熱。漸成蒸疾。一劑而效。其功全在脊骨膏。蓋醫者意也。

〔通治〕太上混元丹河車者。天地之先。陰陽之祖。乾坤之橐籥。鉛汞之匡廓。胚臍將兆。九九數足。我則載而成之。故謂之河車。歷驗篇中名曰混沌皮。蓋亦生天地陰陽之始。爲七十二丹之首。高士垂慈。始開端緒。太上云。若欲長生。當修所生。實資於此。所以成功靈應。非金石草木。夜露曉霜之所比倫。修真之士。服之不輟。誠足以返本還元。補益之道。乃得其真。

紫河車一具用初生男子者。良帶子全者。以東流水洗斷血脈。入麝香二錢。在內以線縫定。用生絹裹。懸胎於砂瓶內。入好酒五升。慢火熬成膏子。

人參 菰蓉酒浸 乳香各二兩 白茯苓去皮 沉香 朱砂各一兩

右爲末。入河車膏子和藥末。杵千百下。圓如梧子大。每服七十圓。空心溫酒送下。沉香湯尤佳。詳此丹以紫河車爲主。但佐使之藥太輕。無病之人久服。可以輕身延年。補損扶虛。乃若病重之人。

服之。却宜增添之法也。一方有天靈蓋一片酥炙黃。

治男子眞陽耗竭。腰背疼痛。自汗怔忡。痰多咳嗽。夢遺白濁。潮熱心煩。脚膝無力。宜於內加

鹿茸火燎去毛酥炙 川巴戟去心 鍾乳粉 陽起石酒煮半日 附子炮裂鹽水浸 黃耆

桑寄生 生鹿角 龍骨 紫苑 五味子各一兩

右依法修製。和前藥末。用膏子爲圓。

治婦人血海虛損。榮衛不足。多致潮熱心煩。口乾喜冷。腹脇刺痛。腰腿疼。痰多咳嗽。驚惕怔忡。經候不調。或閉斷不通。宜於內加

當歸去尾 石斛去根 柏子仁 紫石英煨醋淬七次 鹿茸去毛酥炙 鱉甲醋炙各一兩

卷柏葉一兩去土 川牛膝酒浸一兩半去苗

右依法修製。和前藥末膏子圓。虛寒者加炮附子二兩。咳嗽者加紫苑茸二兩。治熱勞。尤加

河車依前法修治 鱉甲醋炙半兩 桔梗 白芍藥 大黃煨 甘草

苦參 貝母 知母 秋石 鼓心 草龍膽

黃藥子 莪朮煨 犀角鎔 眞赤石脂酒浸一宿 消石各半兩

右爲末。以前膏子圓。湯使如前。

蘇合香圓治傳尸骨蒸殭殍。肺痿疰瘵。鬼氣心痛。霍亂時氣。瘴瘧等。方見中氣類

青蒿散治男子婦人骨蒸勞。增寒壯熱。

青蒿春夏用葉秋冬用子不用葉用根不用莖四者相用而反以爲痢疾必用童子小便浸過使有功無毒一握 大鱉甲炙黃醋淬五次去腥

白朮濕紙裏煨熟 地骨皮 白茯苓 粉草炙 揀參去頭 瓜蒌根

北柴胡去蘆 桑白皮蜜炙各半兩

右爲散。每服三錢。水一盞半煎。溫服不拘時候。

加減黃耆建中湯治男子婦人。五勞骨蒸者。世用神效。

白朮 白茯苓 桔梗各三錢 人參三錢半 秦艽 北柴胡去蘆

防風 白芍藥 甘草 當歸去尾 澤瀉 生乾地黄

熟地黄 地骨皮 肉豆蔻煨 檳榔 縮砂仁各五錢 猪苓四錢

黃耆一兩

右爲散。每服三錢。水一盞半煎。溫服不拘時候。老人更加黃耆一兩。或爲末蜜湯調服。臨期斟酌。清骨散治男子婦人童男童女初覺勞瘵。五心煩熱。去骨熱如神。

北柴胡

生地黃各二兩

熟地黃

人參去蘆

防風去蘆

秦艽

赤茯苓各一兩

胡黃連半兩

薄荷葉七錢

右剉散。每服三錢。水一盞半煎。溫服。先服荊蓬煎圓一服。微泄臟腑後服此。方見痰飲類

團魚散治骨蒸潮。咳嗽累效。

貝母

前胡

知母

杏仁

北柴胡各等分

團魚二個

右用藥同團魚煮。魚熟提起。去頭取肉。連汁食之。却將前藥焙乾爲末。就用團魚裙甲及骨。更煮汁一盞。和藥爲圓。如梧子大。每服二十圓。煎黃耆湯空心下。病安仍服黃耆益損湯補理。方見虛損類蛤蚧圓治積勞咳嗽日久不差。自汗。口中無味。

蛤蚧一對

款冬花

皂角不蛀者酥炙去角皮子弦二片

木香不見火

熟地黃酒蒸

杏仁

去皮尖童子小便浸一晝夜控乾蜜炙

五味子各一兩

右爲末。煉蜜圓。梧桐子大。每服十五二十圓。生薑湯送下。食後臨睡服。

灸法 癸亥夜二更。六神皆聚之時。解去上體衣服。於腰上兩傍微陷處。謂之腰眼。直身平立。用筆

點定。然後上牀合面而臥。每灼小艾炷七壯。蟲或吐出或瀉下。卽安。

又法四花穴灸。見蘇沈良方及資生經效。

又法膏肓肺腧穴。每穴各灸九壯。仍依前蟲醉日各穴胸多灸爲妙。灸後百日。忌煎燂生冷熱物毒食。仍戒房事。避風寒。減喜怒。安心靜處。將息若一月。尤覺未瘥。於初穴上再灸。

陰癰

茱萸內消圓治陰癰偏大。上攻臍腹疔痛。膚囊腫脹。或生瘡瘍。時出黃水。腰腿沉重。足脛腫滿。行步艱辛。服之內消。不動臟腑。

川

練三兩剉炒

大腹皮

五味子

海藻洗

玄胡索各二兩半

茴

香炒

桂

心

川

烏炮去

吳茱萸

食茱萸

桃

仁各一兩

木

香一兩

桔

梗

青

皮

山茱萸各二兩

右爲末。酒糊圓。梧子大。每服三十圓。溫酒送下。木香流氣飲兼服效。

大戟圓治陰癰腫脹。或小腸氣痛。

大戟去皮剉炒 葫蘆巴四兩

木香

附子炮去皮

舶上茴香

訶子煨去核

檳榔各一兩 川練五兩後入

麝香半錢別研

右八味爲末外。留川練以好酒二升。葱白七莖長三寸。煮軟去皮核。取肉和末藥。圓如梧子大。五七圓至十圓。空心溫酒下。薑湯亦可。潮發疼痛。炒薑熱酒下十五圓。

煉陰丹治陰器下墜腫脹。卵核偏大堅如石。痛不可忍。

玄胡索微炒去殼

海藻洗

昆布洗

青皮去穢

茴香炒

川練去核

馬蘭花各一兩

木香半兩

大戟酒浸三宿切片焙乾一分

右爲末。別將礪砂阿魏安息香各一分。用酒醋各一升。淘去沙石熬成膏。入麝香一錢。沒藥一分。入前藥和圓如菉豆大。用綿灰酒下十圓至十五圓。空心服。

兼金圓治熱入膀胱。臍腹上下兼脇肋疼痛。便燥欲飲水。按之痛者。

大黃濕紙裹煨八錢

消石

桂心

甘草

桃仁四十個去皮尖

右爲末。煉蜜圓。如梧子大。每服五七圓至十圓。米飲下。婦人血閉疼痛。亦宜服之。

應痛圓治敗精惡物不去。結在陰囊成疝。疼痛不可忍。久服去病。

阿魏二兩醋和用蕎麥麵作餅厚三指裏阿魏慢火煨熟

檳榔大者二個刮作瓮子滿盛滴乳香將刮下末用蕎麥麵拌作餅子慢火煨熟

右同研爲末。入礪砂末一錢。赤芍藥末一兩。同爲麵糊搜和圓。梧子大。每服十圓至二十圓。食前溫酒鹽湯下。

三白散治膀胱蘊熱。風濕相乘。陰癰腫脹。大小便不利。

白牽牛略炒二兩

白朮

桑白皮

陳皮

木通各半兩

右爲末。每服空心薑湯調下。初進一服。未覺再進。此藥不損臟氣。只導利留滯。疝方大率多用熱藥。此方惟壅熱證宜服之。

金鈴子散治膀胱疝氣。閉塞下元。大小便不通。疼痛不可忍者。服之神效。分心氣飲吞青木香圓亦效。方見諸疝諸氣類

金鈴子

四十九個去核剉如豆大不得碎細用巴豆四十九個去皮亦不得碎細同炒以金鈴子深黃色爲度去巴豆不用

茴香

一兩炒

右不用巴豆。將二味爲末。每服二錢。食前溫酒調下。

金鈴圓治膀胱腫硬。牽引疼痛。及小腸氣陰囊腫。毛間水出。並能治之。

金鈴子肉五兩

茴香炒

馬蘭花炒

海蛤

兔絲子

破故紙

海帶各三兩

木香

丁香香各一兩

右爲末。糊圓如梧子大。每服二三十圓。空心食前。溫酒鹽湯任下。

牽牛圓治膀胱有熱。服暖藥攻成。壅滯作痛。

黑牽牛三錢

大黃二錢

白礬二錢

右用巴豆去皮三十粒。先入銚炒焦乾。去巴豆。入衆藥炒香爲末。煨大蒜研細爲圓。茴香湯送下。

荔枝散治腎大如斗。不過二劑除根。

舶上茴香

青皮全者

荔枝核

右等分剉散炒。出火毒爲末。酒下二錢。日三服。

橘核圓治四種癰病。

橘核炒

海藻

昆布

海帶

川練肉各一兩

桃

仁去皮尖炒一兩

厚朴薑炙

木通

枳實炒

玄胡索炒

桂心

木

香各半兩

右爲末。酒糊圓。如梧子大。每服六十圓。空心鹽湯酒任下。虛寒者加川烏一兩。腎腫久不消。加礪

砂二錢。醋煮旋入。有熱氣滯者。加黑牽牛大黃各半兩。

牡丹散治小兒卵腫偏墜。

防風

牡丹皮

右等分爲末。每服二錢。溫酒調服。鹽湯亦可。

竹皮湯治交接勞復陰囊腫脹。痛入腹中。

右刮竹青皮一升。以水三升。煮一半。去滓。分三服。立愈。

灸法 關元穴在臍下三寸。灸三七壯。大敦穴在足大指甲後三毛上。灸七壯。

脚氣

〔陽經表散〕二香散治男子婦人初患脚氣。其病寒熱或頭痛。忽然脚弱。有筋一條自脚脛骨至臀及腰面起作痛。皆因風寒暑濕之氣相感而成。先須解散。每四錢加檳榔一個切片。木瓜二片。生薑三片。葱白二根。水二盞煎。熱服。不拘時候。大便秘加大黃。每服半錢。方見傷寒和解類

神秘左經湯治風寒暑濕。流注足三陽經。手足拘攣疼痛。行步艱難。增寒發熱。自汗惡風。頭眩腰重。